Dissertatio inauguralis medica de fontis Spadani et Schwalbacensis convenientia ... / praeside Friderico Hoffmanno ... exhibebit Henricus Wilhelmus Haendtschky.

#### **Contributors**

Hoffmann, Friedrich, 1660-1742. Haendtschky, Heinrich Wilhelm.

### **Publication/Creation**

Halae Magdeburgicae: Typis Joh. Christiani Hilligeri, [1730]

### **Persistent URL**

https://wellcomecollection.org/works/kyzvdzpv

### License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org DE

# FONTIS SPADANI ET SCHWALBACENSIS CONVENIENTIA

QVAM

DIVINIS AVSPICIIS

PRÆSIDE

## DN. FRIDERICO HOFFMANNO

ORDINIS MEDICI SENIORE

### PRO DOCTORIS GRADV

SVMMISQVE IN MEDICINA PRIVILEGIIS RITE OBTINENDIS

Ad. d. Septembris A. AE.C. MDCCXXX.

Publicæ eruditorum disquisitioni exhibebit

HENRICVS WILHELMVS HÆNDTSCHKY

Züllichov, Siles.

HALAE MAGDEBVRGICAE,

Typis Joh, CHRISTIANI HILLIGERI, Acad. Typogr.

DESCENTATION IN PERPERAIS BEEDICA FONTIS SPADANT HT SCHWALLBAUCHVSIS CON-VENIENTIA MAYD DIVINISOAVSCICILE PRESIDE DNIFRIDERICOHOFFMANNO OKDUNISME PIKETENEOKE PERO DOCTORIS GRADY SAMMAGON THE WINDS CHANGE LEWING AND THERE TO AIGNAMINATE AND STREET AND AND ADDECERT. gualitas Canada propositional extension PENDETORISH BELLIANS HAENDISCHOY COMPANY OF THE PROPERTY OF SERVICE AND PARTY OF THE PARTY PERMINANCE;

Typis for commercial manner, Acad. Typogr.



one of the linguistic adince pluried decendent, quoc

minerales medicales, acres, decisem quoddam

Cidularum, quæ passim in Germania nostra scaturiunt, non eadem est natura, neque eadem ad morbos, tam avertendos, quam abigendos, essicacia, sed magna diversitas, & ratione elementorum æque ac virium discrepantia. Vt igitur de omnibus eo melius constaret sigillatim, foret omnino operæ pretium, se quælibet ipsarum haberet, qui meritis laudibus in ægrotantium salutem præstantiam medentibus commendarent & nativas dotes cum memoratu dignis observationibus prosequerentur atque plenius exponerent.

6. II. Veteres quidem & adhucante triginta annos Medicorum ceteroquin doctorum plurimi, soteriorum, & calidorum, & frigidorum fontium, sive thermarum & acidularum, vera & genuina principia ignorarunt. Plerique potius, qui de medicatis aquis in lucem scripta ediderunt, peregrina, aliena plane &

A 2

112-

naturæ humanæ prorsus infensa, non amica, ex metallis pariter & mineralibus, saliumque bituminumque
familia essinxerunt agendi elementa numero plurima,
e quibus vix unum reperire, vel demonstrare est integrum. Non tamen mirum, adeo hallucinatos esse priscos, quia Philosophiæ chymicæ & experimentalis cognitio ipsos præteriit, cuius solius beneficio, ea quæ
medico usui serviunt explorari ipsorumque contenta

erui possunt.

§ III. Inprimis hoc ex fonte repetendum, quod olim crediderunt, & adhuc plurimi recentioris ævi credunt, minerales medicatas aquas, acidum quoddam elementum ac spiritum custodire, unde ipsis etiam aelementum ac lpiritum cultodire, unde iplis etiam acidularum nomen impositum. Sed primus utique inter omnes D. PRÆSES, jam ante aliquot lustra multis & claris argumentis demonstravit, ne minimum
quidem acidi, sive spirituosi, sive fixioris, sed potius
acido contrarium, alcalini nempe quippiam, in acidulis perperam sic dictis reperiri, eo quod alcalinorum
est proprium, ut cum acido quovis assuso conssictum
edant, ac lacti commixta illud non coagulent, id quod
utrumque præstant acidulæ. Dein sacta ulteriori indagine, idem D. PRÆSES aliquot postea dissertationibus, insignem illam, quæ inter acidulas & thermas nibus, insignem illam, quæ inter acidulas & thermas intercedit convenientiam, publice docuit, & asseruit: thermas nihil aliud esse quam acidulas, intra terræ penetralia calefactas, eaque propter cum bonis ægrotan-tium rebus acidulas frigidas, moderato igne tepefa-Etas, loco thermarum, tam interne, quam externe pofse usurpari. Neque minus experimentis cum plurimis

mis medicatis in Germania scaturientibus aquis institutis perspexit ac demonstravit, præter salinum ac terreum crassius elementum, inesse salubribus aquis spiritum quendam æthereum, volatilem, mineralem, ab eoque potissimam ipsarum virtutem esse arcessendam, adeo, ut hoc dissipato, vel in auras avolante, & sapor, & vis medicinalis præcipua mox exspiret.

§. IV. Quæ quamvis ita sint, neutiquam tamen negandum, conspicuam etiam esse inter minerales medicatas aquas differentiam, modo majorem, modo minorem. Aliæ quinne plus, aliæ minus spiri-

medicatas aquas differentiam, modo majorem, modo minorem. Aliæ quippe plus, aliæ minus spirituosi purissimi & ætherei principii; aliæ vitriolici, volatilis, martialis elementi, aliquid, vel nihil recondunt; aliæ subtiliorem ac leviorem, aliæ rudiorem & graviorem, ob calcariam, vel ochream terram admixtam, vehunt aquam. Quæ ingredientium & mixturæ diversitas, diversas dein facit vires operationemque aliam atque aliam. Quare a circumspectis & rebus suis satagentibus Medicis exacte merito pernoscenda hæc differentia, quo in tam discrepante corporum, naturarum & morborum quoque indole, cum certa ratione dare queant consilium, quænam ex soteriis aquis, magis, vel minus, singulis conveniant.

§ V. Dedit quidem & inculcavit utilissima hanc in rem monita passim in scriptis suis D. PRÆSES, quæ qui rite observat, eius consilia certe non cadent in irritum. Vt tamen specialius paullo constaret, qua ratione comparatio instituenda & differentia æque ac convenientia inter minerales aquas eruenda; placuit

convenientia inter minerales aquas eruenda; placuit jam speciminis loco sistere celebratissimas binas aci-

white a

dulas,

dulas, Spadanas scilicet & Schwalbacenses. Vtriusque enim hujus soteriæ aquæ genuinæ ac optime confervatæ copiam secit haud ita pridem Dn. HOCHEIMER, mercator Lipsiensis integerrimus, & nos utramque examini curate subjecimus. In quo quid observavimus, quid de viribus & usu censendum, exponemus candide, quo medentes eo certiores reddantur, quibus ægrotis. quibus in morbis & qua methodo usui sint acidulæ hæ nobilissimæ. Faxit DEVS seliciter!

S. VI. Prius vero quam nostra in examine Spadanarum & Schwalbacensium instituta experimenta promamus, haud abs re erit dispicere, quæ ipsis alii adscripserunt elementa. De Spadanis quidem edidit anno MDCXCIX, gallico idiomate tractatum NES-SELIVS, Medicinæ Doctor & Senator Leodiensis, in quo & multa & varia ipsis inesse putat principia. Autumat enim easdem custodire quippiam martialis, eo quod canalium per quos decurrunt, & vasorum in quibus aliquamdiu stant, fundo atque lateribus, slavum sedimentum, quod vulgo ochram vocant, apponant. Id vero non quidem negandum, sed commune est omnibus ferme thermis & acidulis, ut in locis ubi scaturiunt, atque etiam in canalibus quos perluunt, terrestrem slavi coloris materiam deponant; ita tamen ut ab aliis id majori, ab aliis minori copia fiat.

§. VII. Idem porro auctor vult Spadanis inesse martiale vitriolum, ejusque in confirmationem provocat ad saporem. Verum, nos nunquam, neque ex aciduacidulis, neque ex thermis, verum martis vitriolum educere, neque illud per evaporationem, neque per atramentosum. adjectis gallis, colorem, deprehendere potuimus. Atque etiam in Spadanarum examine idem nobis accidit, quippe quæ insperso gallarum pulvere, non nigrum, sed tantum colorem ex bruno rusescentem exhibuerunt. Neque tamen color hic, ut in aliis quoque acidulis accidere solet, perpetuus est, sed si aqua in liberiore aëre steterit aliquamdiu, non amplius comparet. Quod haud sallaci est indicio, genuinum vitriolum, quale est nativum, vel artisiciale, ex vitrioli spiritu ac limatura martis paratum, minime in hisce aquis recondi. Quod autem sapor acutus, vitriolici quippiam mentiatur, id dubio procul principii subtilioris terreo-martialis & spiritus mineralis ætherei connubio tribuendum.

stradit NESSELIVS. At nitrum, cujus character inflammabilitas, ut ita loquamur, & fulminatio, neutiquam est nativum, neque in subterraneis locis ut ab aquis sorberi posset, reperitur, sed sal potius est aëreum, ex acido catholico, in aëre circumvecto, intime cum terra subtiliori alcalino-sulphureo maritato genitum, nec ullas unquam sontanas aquas, ut communis sert opinio, ingreditur. Vt mittamus ejusdem commatis asserta, quo aluminis, sulphuris & cerusse contagio infectas esse nostras comminiscitur.

§. IX. Sic quidem satis multus est auctor hic in elementis Spadanarum nominandis, sed sterilis plane

111717

in iisdem per chymico-mechanica experimenta demonstrandis. Argumenta potius, quibus sententiam
suam probare nititur, redeunt ad conjecturam & ex
operationibus ac diversis effectibus sunt desumta, quibus etiam ante ipsum egregii alii viri, quos advocat
testes, usi fuerunt. Scilicet observatum suerat, acidulas nostras adstrictivam & roborantem, nec non
excretiones sistentem facultatem possidere. Hinc
alumen ipsis inesse crediderunt, quod virtute pollet
eadem. Observarant, hanc aquam vim habere calefaciendi & cum fructu in morbis frigidis & personis
natura phlegmaticis usurpari, quare sulphur ipsi inesse conjecerunt. Noverant per experientiam, Spadanas in morbis a bile ortis nimium æstum restinguere; eundem vero etiam essectum nitrum præstare: unde hoc illis inesse bona side crediderunt. Vitriolum vero & ferrum omnibus fere soteriis sontitriolum vero & ferrum omnibus fere soteriis fontibus inesse voluerunt Majores, inducti virtute eorundem roborante & aperiente, qua excretiones per alvum, urinam & sudorem promovendo & obstructa expediendo, in gravibus chronicis morbis opem serunt incomparabi em.

S. X. Non melior fuit Schwalbacensium sors. Harum enim utilitas spectatissima jam pridem qui-dem inclaruit, & longius quam ante centum annos in medicum tractæ sunt usum. Nec defuerunt, qui de iis scripto aliquid consignarunt, inter quos primas fert JO. DANIEL HORSTIVS. Sed quicquid de salutari hoc latice disserunt, eodem infirmo conje-Eturæ & ab effectu tantum desumto fundamento nititur,

porum ac morborum refrigerat, exsiccat, adstringit & calefacit, ferrum, vitriolum, ochram, sulphur, alumen, sal fossile, nitrum, in ipsius sinu hospitari, sine ullo experimento & inde ducta demonstratione, perhibent ac salutaris essectus causam ab imaginariis hi-

sce elementis repetunt.

gressi sumus aliam, & per instituta tentamina varia, chymica & mechanica, in genuina horum sontium agendi principia cum cura inquisivimus. Quo perspectum habuimus, ne ullum quidem ex allegatis ingredientibus, iisdem inesse revera, sed longe aliis præstabilem ipsarum virtutem in acceptis esse ferendam. Simul etiam innotuit, magnam Spadanis cum Schwalbacensibus esse convenientiam, qualem sovent alie

nullæ, & ob id eo magis notandam.

§. XII. Primum, quod adornavimus tentamen, fuit ponderatio. Levitatem enim & subtilitatem aquæ nosse, est in examine palmarium, magnumque ad dignoscendam salubritatem fert momentum. Replevimus hunc in sinem vitrum satis capax aqua pluviali, id lanci exquisitæ imposuimus, & vidimus, vitrum cum aqua gravitatem habere novem unciarum, drachmarum sex & granorum sedecim. Eidem dein vitro, ad eandem altitudinem, infudimus sontanam aquam, in area ædium D. PRÆSIDIS scaturientem, eadem lance libravimus & notavimus pondus novem unciarum, sex drachmarum & triginta sex granorum. Tum eodem modo expendimus in bilance Schwalba-

B

censem mineralem aquam, ac observavimus, eandem idem pondus drachmarum & unciarum, sed grano minus æquare quam cælestem. Et in Spadanæ demum ponderatione, eadem prorsus, quam quæ in Schwalbacensis, suerunt notata. Vt adeo pateat, utramque aquam bonitatis indicem egregium serre levitatem tantam, quæ uno grano superat ipsam pluvialem, sontanam communem vero viginti uno granis.

§ XIII. Aliud dein adhibuimus ad examen gra-vitatis instrumentum, a D. PRÆSIDE inventum, ad explorandum salis, vel sacchari in aqua communi contenti pondus. Hoc ita sabresactum, ut in aqua pluviali purissima penitus ferme submergatur, in aliis vero disterentiam monstrent insculptæ drachmæ ac lineæ. Nimirum si aquæ puræ libræ, inditur saccha-ri aut salis drachma, immissus in eam hydrometer eminet ut conspectui offerat punctum drachmæ, si plus, ascendit altius, sin minus, mergitur. Hancsta-teram etiam immisimus Schwalbacensi, ex lagena exacte obturata, nihilque vacui habente desumtæ, & in conspectum venerunt drachmæ duæ. Sumsimus etiam ex lagena, quæ ante hebdomadem aperta sic non prorsus plena seposita suerat, eandem hanc mineralem aquam, saporis non amplius adeo acuti, in qua staticum instrumentum ad drachmam unam & aliquot lineas submersum. In Spadana recenter ex plena la-gena essusa statera erecta est ad drachmam; in ea quæ aliquot dies steterat in aëre libero, tantum ad duas tertias drachmæ. Aqua vero fontana eodem instrumento

mento explorata drachmæ unius gravitatem in libra exhibuit.

S. XIV. Hæc duplici modo instituta experimenta statica, sibi invicem videntur esse contraria. Priori enim ratione nostræ minerales aquæ leviores fuerunt fontana, posteriori graviores. Verum jam pri-dem id notavit D. PRÆSES, atque etiam hujus differentiæ subinde meminit. Nec causa singularis hujus phænomeni adeo occulta. Videlicet subtile illud spirituosum elementum, quod minerales aquas incolit, elastica est & expansiva indolis. Elater autem, seu elastica vis, uti quamplurimis physicis, pnevmaticis & aërometricis experimentis constat, æqualis est motui gravitatis, seu ponderi. Atque adeo elastica & expansiva virtus ætherei in aqua principii, eodem modo hydrometricam lancem furfum urget, ac materia salina vel terrea gravitatem concilians ejusdem descensum impedit. Vnde quo magis minerales ejusmodi & spirituosæ aquæ stateram elevant, eo subtiliores sunt eoque meliores, licet gravitatem mentiantur. Vicissim quo minus spirituoso hoc elemento imbutæ descensum impediunt, eo rudiores minusque salubres censendæ, quamvis videantur esse leviores.

§ XV. Sed pergendum in examine. Si sapore explorantur, & Spadanæ, & Schwalbacenses exhibent acutum, sed illæ magis ad vitriolicam quandam constrictionem accedunt, hæ autem penetrantiores, quia plus spirituosi elementi custodiunt, quo etiam sit, ut non secus ac vinum odore nares ferire soleant, & ob id vernacula audiant der Wein-Brunnen. Co-

B 2

lor utriusque aquæ pellucidus est atque perspicuus. Quam vero mutationem inspersis gallis subeat di-

Etum supra S. VII.

hæc. Neque salis tartari solutio, neque spiritus salis ammoniaci urinosus, Spadanis æque ac Schwalbacensibus instillata, ullam, tam in colore, quam consistentia, ipsis inducunt mutationem. Idem accidit commixta sublimati mercurii, lunæ & saturni sacchari solutione. Quod indicio est, nihil calcarii aut salis communis ipsis inesse; quandoquidem si quippiam inest, ad horum reagentium mixturam, aqua illico turbatur, lactescit & nonnihil sedimenti ad sundum dimittit, uti quidem sacto cum aqua sontana communi tentamine, accidit. Quod si autem hæ aquæ aliquamdiu steterunt in aëre apertæ & spirituosum subrile elementum ausugit, consuso tartari per deliquium parato oleo, nec non lunæ liquamine, pessucidam faciem deponunt & lactescentem colorem exhibent.

§. XVII. Violarum firupus, qui certissimus salis tam acidi, quam alcalini, in aquis proditor, si Schwalbacensi commiscetur, nitidam viridescentem exhibet tincturam, luculento testimonio, hospitari in ipsis alcali. Sed Spadanæ colorem sirupi nonmutant. Neque etiam si Schwalbacensibus aëri expositis aliquamdiu & spiritu orbis immittitur, viridis amplius emergit color, sed nativus violaceus manet. Ex quo merito concludendum, alcalinum principium unacum spirituoso in aëre destrui.

S. XIIX. Admixtis aquis hisce acidis liquoribus, oboritur pugna. Schwalbacenses quidem cum vini aceto sorti valide effervesunt & bullulas rejiciunt copiosissimas. Insuso Rhenano vino, nec non Mosellano, constictus idem fere est, non ita a vitrioli spiritu. Spadanæ hisce commixtæ, etiam quidem effervescunt, non tamen tam valide, neque tam copiose bullulas emittunt. Vbi vero dissipato minerali spiritu instituitur experimentum, vix ac ne vix quidem pugna observatur ac effervescentia.

§. XIX. Cum lacte promte ineunt connubium aquæ nostræ. Neque etiam lac hac mixtura densatur in coagulum, sed potius tenuius longe redditur ac suidius. Quo apertissime erroris arguitur illorum opinio, qui acidum mineralibus hisce aquis inesse putant principium, ac ob id sub earum potu ut lactici-

nia in victu vitentur, serio præcipiunt.

S. XX. Arque sic se gesserunt soteriæ nostræ aquæ in examine per reagentia. Quo absoluto, perreximus ad eruenda ea quæ ignis ministerio educuntur. Sumsimus hunc in sinem sedecim uncias, sive libram civilis ponderis aquæ Spadanæ, eandemque indidimus patinæ stanneæ, subdidimus lenem carbonum ignem, & dissipato in auras humido, obtinuimus pulverem siccum terreo-salinum, grana decem pondere æquantem. Idem dein experimentum eodem modo adornavimus cum Schwalbacensi, ac idem quoq; materiæ restitantis pondus habuimus, ea tamen cum disserentia, quod hoc residuum magis slavesceret & martialis

BILBIT

tialis subtilis terræ indicium ferret, quam quod ex

Spadanis manserat.

6. XXI. Restitantem hanc post exhalationemmateriam fixiorem, terrestris, salinæ indolis aqua irroravimus, spiritum vitrioli instillavimus & observavimus fermentativum quasi cum bullulis & conflictu mo-Quo composito, aliam portionem residui aqua diluimus & affudimus violarum syrupum, ac viridis in conspectum venit color. E quibus haud fal-lax capiendum indicium, inesse huic residuo quippiam terræ salinæ ad alcalinam indolem accedentis. Alii hujus cramatis portioni affudimus vitrioli oleum, ut videremus, an post ebullitionem vapor albus ascenderet, uti sieri solet si communi sali adjicitur hoc oleum. Sed observavimus nihil, eoque compertum habuimus, ne quicquam falis communis in harum aquarum sinu delitescere, quod tamen alias satis accidit frequenter Selteranis, Antonianis, Egranis & Wifbadensibus aliisque soteriis undis.

S. XXII. Ex omnibus igitur hisce curate factis & notatis experimentis patescit abunde, nostras acidulas levitate, subtilitate ac puritate, plures, immo potissimas Germaniæ salubres aquas superare longissime. Neque enim multum terræ ochræ, alcalinæ, neque multum salis sixi, aut calcarii amari, aut culinaris habere; quod tamen alias thermales & frigidas minerales aquas redundantius incolit, Sedlicenses, Egranas, Wisbadenses, Selteranas ac Pyrmontanas. Præcipuum potius quo operationem suam exsequuntur elementum, est delibatissimus, ætheræ, expansivæ &

vola-

volatilis indolis spiritus, qui medicatarum aquarum quasi anima, a quo potissimam salutaris sue facultatis partem trahunt. Hic pro diversitate materiæ cui occurrit atque adhæret, varia exhibet phænomena variosque essectus. Scilicet quum sese unit cum tenuissimis martis moleculis, vitrioli indolem, saporem quoque ac virtutem refert. Vbi cum terreis alcalinis congreditur, sal æmulatur alcalinum. men salia, tam vitriolicum, quam alcalicum, non fixam, sed volatilem ab hoc spiritu nanciscuntur naturam. Quo fit, ut calore cum spiritu promte abeant in auras, pereunte simul sapore, aperiente, roborante, acidum absorbente & corrigente virtute, ac remanente aqua esseta insalubri. Ex quibus porro in proclivi judicare, mineralem hunc spiritum esse veram & essicientem causam virium, quibus minerales aquæ in morbis omnis generis persanandis æque ac arcendis, præstabilem suam facultatem debent. Atque quum levis & subtilis aqua hujus nobilissimi spiritus sit quasi vehiculum, nullum utique est dubium, quin sic imbutus latex per omnes corporis tubulos ac mæandros expedite pervadere, impactos ibi humores expedire, tenaces dissolvere, salsos, acres acidosque contemperare & per convenientia enunctoria
eliminare possit. Vt adeo pateat, ejusmodi aquam
esse vere medicinalem & longe tutius longeque essicacius potari, quam si in chronicis præsertim ac disficilibus morbis aquæ rudiores, graviores, heterogeneis, ochreis aut calcariis particulis sætæ aquæ in ufum vocantur.

MAX

§. XXIII. Patet porro ex dictis, magnam utriusque nostri fontis mutuam esse convenientiam, tam quoad bonitatem aquæ, quam ingredientium propor-tionem & elementi spirituosi ubertatem. Ex quo perito artifici in promtu est judicare, exquisitam quoque utrisque intercedere virium & effectuum paritatem, in reserandis viscerum & vasorum obstructionibus, fundendis ac diluendis tenacibus ac spissis succis, promovendis omnis generis excretionibus, per alvum, urinam & perspirationem, & quod maximum est, in roborando & confirmando nervosarum fibrosarumque partium tono labefactato. Qui sicuti plurimarum difficilium ac chronicarum passionum auctor est; ita ad emendandum illum & oriundos inde morbos præscindendos, nihil certe præstabilius nobilissimo elasticæ & expansivæ indolis spiritu, aquas nostras redundantius incolente. Hic enim dum remissam nimis cordis musculi, arteriarum omniumque tubulorum qui fluida vehunt vim motricem firmat atque intendit, auget simul sanguinis omniumque in corpore humorum progressivum motum & secundat pendentes ab hoc utilium secretiones ac inutilium egestiones, a quibus maxime sanitas & integritas corporis venit, & in quarum restitutione maximum sanandi momentum est repositum.

§. XXIV. Quæ quum ita sint, nemo, nisi qui ex ignorantia artis est osor, negabit, saluberrimam esse horum sontium in quamplurimis morbis facultatem. Sed nolumus longiores esse in recensendis quibus medentur malis, inprimis quum abunde id factum sit.

ab iis qui ex instituto de ipsis egerunt, & de Spadanis quidem omnium optime Henrieus ab HEER, ac de Schwalbacenfibus, supra laudatus Io. Daniel HOR-STIVS. Sufficiet nominasse ex his morbos, quibus profuisse exemplis & rationibus docent. Id autem asseverant de ventriculi morbis, anorexia, vomitu, inflatione, nausea, inappetentia, ructibus, diuturno ardore & dolore cardialgico; de morbis intestinorum. torminibus, colica flatulenta, spasmodica & scorbutica, cholera, diarrhœa, nec non lumbricis; de morbis hepatis, ictero, cachexia, principio hydropis atque etiam scorbuto; de affectibus renum ac vesica, mictione dolorifica, ischuria, nephritide, vesicæ & renum calculo; de morbis nervorum, quorsum referimus, affectum spasmodico - flatulentum sic dictum hypochondriacum & hystericum, spasmos etiam artuum dolores creantes, rhevmatismos appellatos; de morbis uteri, fluxu mensium suppresso, vel plane deficiente, aut vicissim nimium esfuso, suore albo atque sterilitate.

§. XXV. Quod autem mirum videtur, iis maxime, qui in eruendis morborum causis minus exercitati, est ille contrarius quasi quem in sanguinis prostuviis præstant essectus. Scilicet quando in muliebri sexu salutaris illa sanguinis per uterina vala excretio, desicit, vel plane supprimitur, & ea propter mulierculas atrocia excruciant pathemata; soteriæ nostræ aquæ, stillicidium, frustra adhibitis etiam samigeratissimis pharmacis, revocant seliciter, & sic causam multorum malorum præscindendo, juvant egregie.

C

Vicissim ubi sanguis effusius quam corporis constitutio fert effluit, idem hoc remedium opem fert eximiam & excessivum profluvium compescendo, imminentes inde graves morbos, cachexiam, phthisin & lentas febres arcet. Idem accidere in viris hæmorrhoidibus obnoxiis multiplici compertum habemus experientia. Sive enim sanguis immodice per ani venas efferatur, sive suetus fluxus retineatur, utrique malo efficacissime opitulatur aquarum nostrarum potus. Vtrumque vero præstat in utroque sexu, aperiendo vasa obstructa. Etenim obstructis arteriosis tubulis, nec menses, nec hæmorrhoides, debito modo succedunt, sed restitant. Vicissim ubi hæmorrhoidalia, vel uterina vafa obstructa, sanguis aliorsum ruit, ibidemque cum imperu prorumpit. Igitur quod obstructos tubulos expedit, id fanat malum utrumque. Quod præstare fontes nostros docet ratio, & exem-plis confirmat NESSELIVS, tractatu supra allegato S. VII.

S. XXVI. Non minus oppositus sibi videtur duplex ille essectus, quem minerales spirituose aque præstant, in excretionibus per vomitum, alvum & sudoris spiracula sedandis, eque ac provocandis. Etenim in alvi profluviis, dysentericis etiam, nec non cholericis, Antonianas non modo, sed & Selteranas acidulas, præsertim cum tertia sactis parte remixtas, eximie conduxisse, novimus ipsi. Et de Schwalbacensibus meminimus, WALDSCHMIDIVM commendasse in dysenteria tum epidemica ipsarum pomendasse in dysenteria tum epidemica ipsarum pomen. Qui vero vomitu crebriori, ex imbecillitate,

feu potius tono tunicarum ventriculi dejecto, & oriundainde crudorum, viscidorum & acidorum humorum faburralaborarunt, his non præsentius & essicacius per ipsam experientiam novimus præsidium harum aquarum usu. Qui etiam largis cum lento & emaciante calore, nocturno præsertim tempore, ob cito nimis suppressas criticas evacuationes, vel febriles commotiones, dissuunt, his omnino præsidio est exoptatissimo aquarum nostrarum potus. Etenim, dum subtili & spirituoso suo elemanto labesactatum excretoriorum tonum roborant, & humido suo puro atque tenui peccantem in corpore materiam, quæ acrimonia nerveas sibrillas ad excretiones exstimulat, diluunt atque contemperant, sistunt motum impetuosum, coque simul excretionem compescunt.

nere, verum etiam Medicis minus peritis, qui in cachecticis & sero turgidis corporibus, aquarum mineralium usum reformidant, quasi aqua tanta copia quotidie pota, malum augeret ac hydropem ingeneraret. Verum frustraneus est hic timor, qui ignorantium concutit animum. Nam medicatæ aquæ potius præscindunt hydropem & cachexiam persanant. Diluunt quippe tenaces viscidos humores, eosdemque ad excretionem præparant, simul tonum & elasticam vim excretoriorum tubulorum sirmant, quo non modo inutiles ac supersui humores, per vomitum, alvum, urinam ac sudorem eliminantur, sed & corpus omnesque in ipso partes ab exundante humiditate liberantur & exsiccantur quam optime.

Car

S.XXIIX.

§. XXIIX. In vincenda febrium intermittentium contumacia, an fontes medicati habeant usum? ambigunt multi. Etenim nullus fere eorum, qui de mineralibus aquis scripserunt ex instituto, mentionem injecit emolumenti quod in febrilibus præstant insulti-bus. Neque etiam sebres poscunt & admittunt ta-Iem potum ac usum, quem quidem servant, qui in a-liis morbis tendunt ad scatebram, ibi certam quotidie bibunt mensuram & sic curam uti vocant conficiunt. Sed ordinarii potus loco, tam intra, quam extra paroxysmum, potari possunt quam optime, atque etiam cumipsis alia remedia antifebrilia, salina, detergentia, amara etiam & roborantia assumi possunt ceu vehiculo commodissime. Novimus certe diuturnas quotidianas, autumnales tertianas, quartanas quoque, immo mesentericas & lentas, que ex nimis cito suppressis adstringentium ope, aut recidivantibus febribus accesserunt, hac ratione sanatas esse felicissime. Neque tamen mirandum, scriptores hunc effectum sicco præteriisse pede. Neque enim ullus sebre correptus peregre proficiscetur ad scatebras has; neque etiam qui accedit, facile ibi corripitur morbo sebrili.

XXIX. An qui labe & vitio pulmonum affecti phthiseos metu tenentur, uti possint his aquis? haud levis momenti est quæstio. Plurimi id negant & pernegant. Verum respondendum cum distinctione. Si corrupta & exesa est pulmonum substantia & insignis humorum facta essusio; si tota pulmonum substantia scirrhis obsessa & vomicis; si polyposæ, uti haud

haud raro accidit, adfunt in pulmonum vasis concretiones: si etiam hydropis pectoris jam præsto est principium, potum aquarum suadere utique foret da-mnosum. Verum ubi phthiseos duntaxat est principium; sique ex hypochondriorum vitio nascitur, ac ob tonum pulmonum labefactatum, ingens seri ad pectus fit affluxus & cum tussi diuturna ac valida, quasi rhevmatismus; neutiquam dissuadendus, sed potius præcipiendus est acidularum usus. Et quamvis levis præcesserit exulceratio, eandem tamen omnino egregie ad consolidationem aptam reddit mundificando, hoc remedium, præsertim si ex catarrhali & scorbutica defluxione fuerit oborta. Tum potius medicatæ hæ aquæ cum lacte remixtæ & convenienti modo usurpatæ, levamen afferunt, suffragante quamplurimis exemplis experientia, incomparabile. Quod enim exulcerationibus in interioribus corporibus non fint inimicæ, sed salutares, uberius confirmant effectus faluberrimi, quos in renibus, vesica & prostatis glandulis ulcere obsessis, præstitisse, sidem faciunt testes oculati, exceptione majores, HEERIVS, HOR-STIVS atque NESSELIVS, locis citatis.

XXX. An porro in morbis capitis & cerebri, loporosis affectibus, lethargo, coma, catalepsi, apoplexia
hemiplexia, paralysi vera, epilepsia, gutta serena, caduca vertigine, nec non furibundis & melancholicis
deliriis, ex usu sint minerales aquæ? vexatum est dubium. Non enim leve dubitandi monentum suggerit, quod hi morbi potissimum a nimia membranarum cerebri remissione, vasorum distensione ac reple-

C 3

tione,

tione, immo humorum incerebri tubulis stagnatione, vel plane effluxu, ortum ducunt. Quæ omnia, ne augeat atque exacerbet tam copiosus aquarum potus, metus esse videtur haud adeo injustus. Accedit, quod hæ aquæ spirituoso elastico, quo uberius persuse sunt elemento, caput temulentia quadam afficiant, vasaque nimium distendendo, eorundem tonum nonnihil debilitent. Verum & heic prudenti opus est limitatione. Quod si enim nominati supra morbi, funt, ut scholæ efferunt, idiopathici, id est, sedem & causam suam principaliter ipso in cerebro ejusque membranaceis & vasculosis partibus, multum læsa illarum substantia, habent, ac præterea propter diutur-nitatem in habitum quasissunt conversi; satius utique est, abstinere a potu. Sed ubi symptomatici sunt hi morbi, ex hypochondriorum, vel primarum viarum vitio orti, neque in habitum jam conversi sunt, neque etiam cerebri substantia labe affecta, nullo modo reformidandæ, sed potius in usum vocandæ hæ aquæ.

§. XXXI. Quum porro infignis ratione ingredientium, saporis, subtilitatis & virium quoque inter medicinales aquas vigeat differentia, & eapropter aliæ præaliis, aliis atque aliis individuis, nec non morbis, sint convenientiores; disquirendum merito: quando & quibus nostrarum potus sit magis ex usu. Iam diximus supra, easdem tenues esse atque subtiles, minerali spiritu copiose afflatas & quippiam volatilis vitriolici complecti. Vnde peritus utique facile judicabit Medicus: peculiarem ipsis inesse roborantem, ac dejectam partium

motricem vim ad propellenda fluida firmantem facultatem. Iudicabit porro: ob puritatem ac tenuitatem humoris ad fuccos viscidos diluendos, glandularumque ac minimorum tubulorum obstructiones referandas, easdem esse utilissimas. Ex quibus tandem recte concludet: in omnibus iis morbis, ubi toni adest remissio, præsertim in ventriculo & intestinorum canale, in sexu potissimum sequiore, temperamento phlegmatico aliisque imbecillioribus corporibus, nostras aquas inparva etiam quantitate potas esse salva fluore, seminis stillicidio involuntario, rhevmatismis, catarrhis, sudoribus nocturnis, nimio mensium ob debilem uterum suxu, nec non pendente ab eadem caussa sterilitate, Spadanas cum Schwalbacensibus, plus præstare atque essicere, quam alii medicati Germaniæ sontes.

AXXII. Contra ea, ubi ex primis viis exturbanda per alvum humorum vitiosorum copia & colluvies, in cachecticis, phlegmaticis, vel etiam hypochondriacis; omnino Egranæ & Wisbadenses acidulæ cum Sedlicensibus proferendæ sunt nostris. Vbi dein acidi pontici humores, quorum uber esse solec proventus in hypochondriacis & hypochondriacomelancholicis, nec non quartana diuturna cum nimia ciborum appetentia laborantibus, contemperandi & per inferiora simul essicater eliminandi; Carolinæ thermæ in hoc persiciendo omnibus sunt superiores. In morbis pectoris, renum ac vesicæ vitiis, ubi diuresi opus est, aut etiam erosio & exulceratio has partes tenet, simulque nervosarum & membra-

nacearum partium systema multis & validis spasticis obnoxium est stricturis; Selteranæ, Antonianæ & Wildungenses acidulæ, nostris erunt anteponendæ, eo quod parum virtutis adstrictivæ & vitriolicæ, sed multum salis alcalini cum aqua pura habent, neque tam ubertim spiritu minerali sunt sætæ.

XXXIII. Neque etiam negandum, quosdam ex mineralibus sic dictis fontibus, certis corporibus & temperamentis, victu etiam diverso utentibus magis congruos esse & aptos. Sic Pyrmontæ acidulæ, rudioriaqua, sed copioso spiritu instructæ, optime quadrant Westphalis, qui victu fruuntur duriori & natura sunt robusti, non vero iis, qui sunt corporis tenerioris & tenui quoque diætæ assueti. Carolinæ thermales aquæ sunt percommodæ Bohemis & viciniæ incolis, qui cibis ac cerevisiis nutrientibus multum fruuntur. Qui autem loca inhabitant calidiora, vini potum frequentiorem habent quam cerevisiæ, qui etiam cholericæ & siccæ sunt constitutionis; his utique, si valetudinem incurrunt adversam, saluberrimæ sunt Spadanæ, nostræ & Schwalbacenses cum aliis mitioribus aquæ. Vt adeo divina merito veneranda sit & celebranda benignitas ac sapientia, que hominum saluti tam clementer prospexit, ut quælibet re-gio ejusdemque incolæ habeant auxilia ipsis maxime accommoda, quibus valetudinem levare possint, ac inter hæc maxime medicatos fontes, quorum alii alvum, alii urinam movent, alii acidum contemperant, alii acre obtundunt, alii viscidum resolvunt, alii roborant leniterque adstringunt, alii vicissim spalmos & ri& rigidas fibras molliunt. Quem singularem omnium indolem, merito scrutari & perspectam habere

debet peritus ac rebus suis satagens Medicus.

§. XXXIV De ipso autem aquarum salubrium usu id monendum habemus in genere: erroneam esse illam pervulgatam, & Medicorum, & aliorum fententiam: thermas & acidulas certo tantum anni tempore, vere scilicet, vel exeunte æstate, esse per definitum temporis, mensis circiter, spatium, ad curam, uti vocant, potandas. Nam ratione & experientia convicti scribimus, omni tempore, ver sit, sive æstas, autumnus vel hiems, saluberrimum esse aquarum mineralium potum, non modo ad scatebram, sed & in remotis ab ea locis, modo in lagenis rite obturatis eo transportentur. Scilicet in variis tam longis, quam acutis morbis, & parcius, & copiosius, nec non vehiculi remediorum loco, solæ etiam mane, aut vesperi, vel vino remixtæ, inter cibos commodissime & cum insigni fanitatis emolumento, seeundum periti artificis præscriptum, bibuntur soteriæ aquæ. Quare omnibus quibus salus sua cordi, quibusque comparandi facultas, serio suademus & candide, ut in promtu habeant, si conslictantus mor-bis, convenientem cuilibet salutarem laticem. Nam profecto, aquis summam & arcanam prorsus juvandi virtutem indidit universi opifex benignissimus, quam tamen norunt paucissimi.

S. XXXV. Vt tamen speratus salutaris effectus obtineatur eo certius, curandum, ut integris viribus bibantur in dissitis maxime locis. Jam hue usque ex acidulis vix ullæ tam raro rite conservatæ ad nos pervenerunt, quam Spadanæ & Schwalbacenses, ita ut ex viginti lagenis, quandoque vix quinque usui suerint aptæ, reliquis essetis & corruptis. Ex quo autem mercator Lipsiensis samigeratissimus Dn. HOCHHEIMER transferri curavit has aquas, ipsius solertia ac circumspectione factum est, ut jam possint haberi incorruptæ & spiritu minerali penitus refertæ. Artissicium conservandi absolvitur his. Lagenæ seligendæ sunt compactissimæ compagis & progenæ seligendæ sunt compactissimæ compagis & pro-be exustæ ac vitrea quasi cærulea crusta obductæ, ne per patentiores poros elabatur nobilis ille spiritus. Dein exacte sunt obturandæ eumque in finem orisicia claudenda subere non carioso, sed integro, cera terebinthinacea, vulgo Baumwachs, sissura oblinen-dæ, ac corium extus illigatum pice inducendum ubi-que, ne aëri accessus & subtili elemento exitus pate-at. Tum non sole ardentissimo, vere exeunte, vel at. Tum non sole ardentissumo, vere excunte, vel ipsa æstate, transportandæ, semperque probe obtegendæ lagenæ, ne accessu solis calesiant, quo multum virium & spiritus dissipatur; frigidiori potius tempestate & noctu quoque transportatio instituenda, & sic certo servatur aquarum integritas.

§. XXXVI. Specialem demum usum quod attinet, has servandas præcipimus cautiones. Si solennis, uti vocant, cura, cum iis instituenda, sive domi, sive ad scatebram, videndum primo omnium, ut, si corpus plethoricum & sanguinis missionibus assetum, duobus

duobus

duobus minimum ante potum diebus, vasorum per sectam venam siat depletio. Dein ante usum etiam prima corporis regio a sordium colluvie repurganda. Neque tamen id persiciendum acrioribus catharticis, quæ intestinorum tonum destruendo, selici aquarum operationi mirum obsunt, sed clementioribus congruis. Inter quæ pro naturæ e primarum viarum dispositione ex usu esse possum, vel manna soluta ad uneias duas, cum drachma una cremoris tartari, vel passuæ rhabarbarinæ laxativæ, vel pilulæ balsamicæ ad Beccherianarum exemplar concinnatæ, vel etiam magnesia alba, cum, vel sine sale cathartico oblata.

§. XXXVII. Postea ipsa potatio sic instituenda. ut primo die, libra tantum dimidia, secundo integra, tertio dux libra, tres tum aut quatuor libra, eo usque, donée per alvum, urinam & sudorem, aqua sufficienti æquali mensura iterum secesserit. Quod ubi factum, quantitate hac continuandum ad finem usque curæ, eademque absoluta, ad evehendas reliquias, superius commendata laxantia, sed majori paullo dosi, per biduum usurpanda. Quod si etiam sub ipso potu alvus obliviscatur officii, flatus in incestinis renitantur, vel etiam peristalticus motus inversus sit, clysteribus non adeo acribus, sed tantum stimulantibus, carminativis ac demulcentibus, ad inferiora vocanda est humoris evacuandi copia, vel pilulæ balfamicæ, ad aliquot tantum grana, circa fomni tempus, deglutiendæ.

O.K.

Mendare non solemus, quia ipsis aquis jam egregia inest medicamentosa virtus. Vnum vero, tum ad secundandam auspicatam operationem, tum avertenda quæ quandoque incidunt symptomata, habemus quod commendemus medicamentum, longo usu atque experientia comprobatum. Est illud elixirium D. PRÆSIDIS balfamicum temperatum, ex benignis balsamicis speciebus cum menstruo lixivioso paratum. De quo in prandii ultimo hausto, vel etiam aliquot ho-Dequo in prandii ultimo haulto, vel etiam aliquot horis post, digestionem peractam, octoginta, vel centum guttæ sumendæ cum quovis vehiculo. Id enim mirifice succurrit digestioni, acidum & viscidum corrigit, chylo blandam conciliat subtilitatem atque temperiem, simulque tonum intestinalem servando integrum, excretionum successui velificatur egregie.

5. XXXIX. Vbi tamen vis morbi nervosis partibus insidet altius, uti sieri solet in diris passionibus spassmodicis, spassico - convulsivis, arthriticis, arthritico - rheymaticis.

thritico - rhevmaticis, præter internum aquæ po-tum, utilissima sunt balnea. Possunt autem hæc concinnari ex aqua dulci, nullo minerali sale, aut martiali principio imbuta, quam habent Piperanæ, Tœplicenses, nec non viperinæ, nostris das Schlangenbad. Quæ certe balnea, ad laxandas nervosarum partium tensiones & contractiones longe magis ex usu funt, quam quæ multum croci martis, vel terreo-

ochrei, salini, aut calcari principii vehunt.

ALXXIA.

nenter spirituosas aquas serre nequeat, alius pura sontana miscela easdem temperet. Si porro sorsan adstrictio & spirituum ubertas nervis & pectori videatur inimica a asininum lac, vel lactis serum, ad emendandam hanc qualitatem admisceatur. Qualem praterea mixturam in podagra, arthritide, scorbutica lue, insando dolore artuum & membra divexante, in purpura quoque scorbutica, nec non soedis cutis exulcerationibus, summo cum agrotantium levamine, multoties commendavit D. PRÆSES.

§. XLI. Maxime omnium vero fub harum aquarum usu exquisitum in vita victuque servandum regimen. Animi cura habeatur præcipua, ut sit tranquillus, ab omni affectuum impetu, meditationibus & fatigationibus liber. Nihil enim sub potu harum aquarum permiciosius, quam vehementiores animi per iram, aut terrorem commotiones, quippe quæ aquarum per vias ordinarias secessum legitimum intercipiendo, anxietates, flatulentias aliaque symptomata creant gravissima, ut satius sit, si inciderint, illico abstinere a potu. Dein sub usu nihil accommodatius; quam ordinarii potus loco, bibere mineralem aquam, cum dimidia fontanz, & tertia, vel quarta vini Rhenani parte remixtam. Qui etiam frigidioris naturæ sunt, vini plus potare possunt; quando-quidem sumtis tam copiose aquis, sitis non adeo esse solet intensa. Porro non omittenda corporis exercitatio, que mirifice favet effectui aquarum secundando.

do. Instituitur hæc commodissime duabus horis ante, vel quinque aut sex horis post pastum, confecta jam digestione. Cavendum vero summopere ne corpus frigidiori vespertino äeri, post solis occasum exponatur, sed ab eo quovis modo desendatur. Si secus sit, perspiratio intercipitur, somnus turbatur, multaque in valetudinem redundant, cum successus impedimento, incommoda. Atque demum, ut breves simus, vitentur sub aquarum nostrarum usu omnia, quæ vitanda, & observentur omnia, quæ observanda, tam a D. PRÆSIDE passim, quam ab aliis scriptoribus pluribus præscripta sunt & vitanda, inculcata, inculcata,

# quillus, ab corni effecteur impere meditationi-

men. An milicura habeatur precipua, ut fit fran-

